



Na osnovu člana 41., a u skladu sa članom 42 Statuta KJKP "Toplane-Sarajevo"d.o.o. (OPU-IP: 60/2016., Odluka o izmjeni i dopuni Statuta, broj: 00-2-V-01/19 od 04.07.2019. godine i broj: 00-4-V-01/19 od 06.08.2019. godine) i Odluke Nadzornog odbora, broj: 01-10 - 05 / 19 od 24.10. 2019.godine, Nadzorni odbor raspisuje

KONKURS

ZA IZBOR I IMENOVANJE DIREKTORA KJKP „TOPLANE-SARAJEVO“ D.O.O. SARAJEVO

Član I

Raspisuje se javni konkurs za izbor i imenovanje direktora KJKP „Toplane-Sarajevo“ d.o.o. Sarajevo, sa sjedištem u ul. Semira Frašte 22, 71000 Sarajevo, (u daljem tekstu Preduzeće).

Član II

Mandat Direktor Preduzeća je četiri godine.

Položaj, ovlaštenja, odgovornosti i prava Direktora Preduzeća uređuju se ugovorom koji zaključuje sa Nadzornim odborom Preduzeća u skladu sa važećim propisima.

Član III

Osim prava i obaveza kao člana Uprave propisanim članom 36 i 37 Statuta, Direktor Preuzeća je nadležan da:

- predsjedava Upravom,
- organizuje i rukovodi procesom rada i poslovanja Preduzeća,
- zastupa i predstavlja Preduzeće u unutrašnjem i vanjskotrgovinskom prometu, bez ograničenja,
- predlaže razvojnu i poslovnu politiku,
- predlaže planove rada i program razvoja i preduzima mjera za njihovo sprovođenje,
- usvojeni Plan poslovanja dostavlja Resornom ministarstvu,
- odobrava organizaciju Preduzeća,
- odgovoran je za zakonitost rada u Preduzeću,
- podnosi izvještaje o poslovanju i godišnji obračun,
- donosi pojedinačne akte u skladu sa Statutom i opštim aktima Preduzeća,
- izvršava i organizuje sprovođenje odluka organa Preduzeća,
- utvrđuje konačan prijedlog opštih akata koje donosi Nadzorni odbor,
- odlučuje o potrebi za radom i raspoređivanju radnika,
- odlučuje o pravima i odgovornostima radnika u skladu sa Zakonom, Kolektivnim ugovorom i Pravilnikom o radu,
- preduzima radnje vezane za registraciju Preduzeća,
- zaključuje ugovore i poduzima i druge pravne radnje.



Član IV

Kandidat mora ispunjavati opće i posebne uslove:

IV-(A) Opći uslovi :

1. Da je stariji od 18 godina i da nije stariji od 65 godina na dan imenovanja; (dokaz: izvod iz matične knjige rođenih)
2. Da je zdravstveno sposoban za obavljanje poslova na koje se prijavljuje; (dokaz: ljekarsko uvjerenje)
3. Da je državljanin Bosne i Hercegovine; (dokaz: uvjerenje o državljanstvu)
4. Da nije osuđivan za krivično djelo i za prekršaj nespojiv s dužnošću u upravi pet godina od dana pravosnažnosti presude, uključujući vrijeme zatvorske kazne: (dokaz: potpisana izjava kandidata ovjerena u općini ili od notara)
5. Da mu presudom suda nije zabranjeno obavljanje aktivnosti u nadležnosti uprave; (dokaz: potpisana izjava kandidata ovjerena u općini ili od notara)
6. Da ne vrši funkciju predsjednika ili člana nadzornog odbora ili uprave drugog privrednog društva ili institucije; (dokaz: pisana izjava kandidata ovjerena u općini ili od strane notara)
7. Da nije izabrani zvaničnik, nosilac izvršnih funkcija ili savjetnik koji obavlja javne funkcije u institucijama vlasti; (dokaz: pisana izjava kandidata ovjerena u općini ili od strane notara)
8. Da nije otpušten iz državne službe kao rezultat disciplinske mjere na bilo kojem nivo vlasti u Bosni i Hercegovini ili otpušten iz privrednog subjekta na osnovu povrede obaveza iz radnog odnosa u periodu od od tri godine od dana objavljivanja javnog konkursa; (dokaz: potpisana izjava kandidata ovjerena u općini ili od strane notara)
9. Da se na kandidata ne odnosi član IX Ustava Bosne i Hercegovine; (dokaz: potpisana izjava kandidata ovjerena u općini ili od strane notara)
10. Da ne vrši funkciju u političkoj stranci; (dokaz: potpisana izjava kandidata ovjerena u općini ili od notara)
11. Da ne postoje druge zakonske smetnje za obavljanje poslova za koje kandidat konkuriše; (dokaz: potpisana izjava kandidata ovjerena u općini ili od strane notara)
12. Da je prošao ili da se obaveže da će proći stručno usavršavanje u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala. (dokaz: certifikat o završenom usavršavanju ili potpisana izjava kandidata ovjerena u općini ili od notara)

IV-(B) Posebni uslovi :

Lice koje se kandiduje za direktora Preduzeća mora ispunjavati sljedeće uslove:

1. da ima visoku stručnu spremu (VSS- 240 ECTS bodova) mašinske, elektro struke, pravnog, ekonomskog ili drugog društvenog smjera (dokaz: Diploma o stručnoj spremi)



2. da ima najmanje 5 (pet) godina radnog iskustva na poslovima za koje je propisana visoka stručna sprema, od čega najmanje 3 (tri) godine na rukovodnim radnim mjestima. (dokaz: potvrda o radnom i rukovodnom iskustvu)
3. da ponudi program rada i razvoja Preduzeća
4. organizacione i komunikacijske sposobnosti (intervju)
5. poznavanje djelatnosti Preduzeća (intervju)

V

Potrebni dokumenti uz prijavu:

1. biografija sa adresom i kontakt telefon
2. kopija lične karte
3. izvod iz matične knjige rođenih
4. uvjerenje o državljanstvu
5. potpisana izjava ovjerena od općinskog organa ili od strane notara za tačku IV-A: 4,5,6,7,8,9,10 i 11.
6. certifikat o usavršavanju ili potpisanu izjavu ovjerenu u općini ili od strane notara da će proći usavršavanje ili potvrde
7. diploma o stečenoj stručnoj spremi
8. dokaz o radnom i rukovodnom iskustvu

NAPOMENA:

Kandidati koji prođu izbor dužni su na zahtjev Preduzeća dostaviti uvjerenje o zdravstvenoj sposobnosti.

Preduzeće zadržava pravo da zatraži od nadležnih oragana dokaze da kandidat nije osuđivan za krivično djelo i za prekršaj nespojiv s dužnošću u upravi pet godina od dana pravosnažnosti presude, uključujući vrijeme zatvorske kazne i da mu presudom suda nije zabranjeno obavljanje aktivnosti u nadležnosti uprave.

Tražena dokumentacija mora biti u originalu ili ovjerene fotokopije.

Kandidati koji uđu u uži izbor biće pozvani na intervju u roku 10 dana od dana isteka roka za podnošenje prijava.

Prijave kandidata s kojima se ne stupi u kontakt u roku od 10 dana od dana isteka roka za podnošenje prijava, neće se uzimati u razmatranje u daljem postupku izbora.

Komisija zadržava pravo provjere svih podataka, izjava i drugih dokumenata kandidata.

Prijave sa traženim dokazima dostaviti lično ili poštom na adresu:

KJKP "Toplane-Sarajevo" d.o.o. Sarajevo

Ul. Semira Frašte br.22

71000 SARAJEVO

(sa naznakom)

PRIJAVA ZA JAVNI KONKURS ZA IZBOR I IMENOVANJE DIREKTORA KJKP „TOPLANE-SARAJEVO“ D.O.O. SARAJEVO

- NE OTVARATI -

Nepotpune i neblagovremene prijave neće se uzeti u razmatranje.

Javni konkurs ostaje otvoren 15 dana od dana posljednjeg objavljivanja.